



CHIESA EVANGELICA RIFORMATA
GRIGIONESE
BASEL GIA EVANGELICA REFURMADA
DAL GRISCHUN
EVANGELISCH-REFORMIERTE
LANDESKIRCHE GRAUBÜNDEN
LOËSTRASSE 60, 7000 CHUR
TEL. 081 - 257 11 00, FAX 081 - 257 11 01
E-MAIL landeskirche@gr-ref.ch
HOMEPAGE www.graubuenden-reformiert.ch

Publicaziun nr. 674

Primavaira 2018

Il Cussegl da la Baselgia evangelica preschenta als consistoris ed als colloquis las suandantas tractandas ed infurmaziuns per tractar quellas, respectivamain per orientaziun.

Cuntegn

I. Consultaziun	4
1. Tractandas	4
II. Communicaziuns dal Cussegl da baselgia	4
2. Remplazzaments necessaris en l'instrucziun da religiun	4
3. Plan d'instrucziun ecumenic per l'instrucziun da religiun dapi l'onn da scola 2018/19	5
4. Finanziaziuns da partenza da <i>Furmar</i> la raspada	6
5. Revisiun totala da la constituziun da la baselgia	7
6. Revisiun parziala dal concordat	7
7. EMC: Tschertgadas èn famiglias ospitantas per il barat ecumenic	8
III. Rapports colloquials	9
8. <i>Furmar</i> la raspada	9
9. Provisiuns	10
10. Renovaziun da permissiuns per predicatur(a)s laic(a)s	10
11. Rapports dals/da las predicatur(a)s laic(a)s	11
12. Visitaziuns d'archivs	11
13. Lavur en la diaspora	12
14. Organisaziun da l'instrucziun da religiun 2018/2019	12
15. Moziuns, intimaziuns e propostas	13

IV. Diversas infurmaziuns	14
16. Responsabels d' Ecumena/Missiun/Collavuraziun (EMC) en las plaivs	14
17. Resumaziun dals resultats dals colloquis d'atun	14
18. Occurrenzas colloquialas	16
19. Giubileums	18
20. Chalender da las collectas 2018	19
21. Proceder tar pravendas vacantas	19
22. Sinoda 2018 a Cazas	19
23. Sessiuns dal Cussegl grond evangelic 2018	19
24. Sesidas dal Cussegl da baselgia 2018	19
25. Termins dals colloquis da primavaira 2018	20
26. Termins dals colloquis d'atun 2018	20
27. Spediziun dals protocols colloquials	21
Agiunta (adressas)	22

I. Consultaziun

1. Tractandas

I na dat naginas tractandas.

II. Communicaziuns dal Cussegl da baselgia

2. Remplazzaments necessaris en l'instrucziun da religiun

Il Cussegl da baselgia è vegnì dumandà, tgi che saja responsabel per remplazzaments per l'instrucziun da religiun che han da vegnir organisads per reverendas durant il temp da la sinoda. Concretamain sa tracta quai da la dumonda, tgi che haja da pagar il remplazzament per l'instrucziun da religiun en scola.

L'urden da gestiun da la sinoda prescriba che sinodals en uffizi (impiegads a temp cumplain sco er impiegads a temp parzial) èn obligads da prender part a las radunanzas da la sinoda e da sa participar a las dietas sinodals (collecziun da leschas 410 art. 7 e 41). Er da provisurs e da provisuras vegn pretais la participaziun. Questas occurrenzas han la preferenza avant auters impegns. Quai vala er en regard a l'instrucziun da religiun. Las suprastanzas da las plaivs èn responsablas per l'instrucziun da religiun. Las absenzas dals reverendas en scola pervia da la sinoda e la dieta sinodala èn enconuschentas ditg oravant, uschia che las plaivs han temp

avunda da planisar remplazzaments. I dat differentas pussibilitads: barat da lecziuns, remplazzaments entaifer la scola resp. tras incumbensads externs. I dependa da la situaziun concreta, quala pussibilità che saja pli evidenta. Ils custs dals remplazzaments van a quint da las plaivs.

3. Plan d'instrucziun ecumenic per l'instrucziun da religiun dapi l'onn da scola 2018/19

Cun introducir il plan d'instrucziun 21 en la scola populara dapi l'onn da scola 2018/19 vegn realisà il model 1 + 1 sin tut ils stgalims. Perquai vegn er il plan actual per l'instrucziun da religiun surlavurà e restructurà tras la grupp da lavur ecumenica 1 + 1. El vegn

- ad esser puspè avant maun sco plan d'instrucziun ecumenic;
- ad esser valaivel per tut las classas 1 – 9 e vegn perquai a remplazzar il scumpart da materias introducì cun l'introducziun dal model 1 + 1 en il stgalim superiur;
- a sa basar sco il plan d'instrucziun 21 sin l'orientaziun vi da cumpetenzas e vegn ad esser schlargià cun las cumpetenzas specificas per l'instrucziun da religiun da las baselgias;
- a garantir la cumpatiblad da l'instrucziun da religiun cun il rom da scola "etica – religiun – cuminanza".

Tschintg mesemnas suentermezdis vegn il plan d'instrucziun a vegnir preschentà a tut las personas che instrueschan religiun:

mesemna, ils 18 d'avrigl 2018, a Glion

mesemna, ils 25 d'avrigl 2018, a Tavau

mesemna, ils 2 da matg 2018, a Samedan

mesemna, ils 30 da matg 2018, a Cuir

mesemna, ils 6 da zercladur / gün 2018, per las valladas dal sid en lingua taliana. Il lieu vegn anc communitgà.

Questas datas apparan er en il program semestril 1/18. Las occurrenz valan sco furmazion. Tut las persunas d'instrucziun spezialisada èn cordialmain envidadas a questas occurrenz. Il plan d'instrucziun vegn er preschentà a la sinoda a Cazas.

4. Finanziaziuns da partenza da *Furmar la raspada*

Dapi sis onns datti sin dumonda or da las "reservas d'atelier d'avegnir" finanziaziuns da partenza per projects da *Furmar la raspada*. En questa maniera ha la baselgia chantunala sustegnì fin ussa passa 60 projects. La durada dal subvenziunar projects ha il Cussegl da baselgia onn per onn prolungà.

Cun l'onn da scola 2018/19 e sin dumonda pon ins ussa sviar sin tals projects resursas persunalas e finanzialas tenor reglament 248A che daventan libras. La furma actuala da finanziaziun da partenza croda cun quai davent. Be en il rom d'ina dumonda da sviar po excepziunalmain vegnir admiss ina contribuziun da la baselgia chantunala sch'in budget è cumprovadain deficitar.

La maniera actuala da dumandar finanziaziuns da partenza finescha perquai la fin da l'onn da scola 2017/18 il fanadur/lügl 2018.

5. Revisiun totala da la constituziun da la baselgia

Il 8 da november 2017 ha il Cussegl grond evangelic acceptà cun 66 : 0 vuschs (cun 5 abstenziuns) la nova constituziun da la baselgia ed ha deliberà ella per mauns da la votaziun dal pievel. Pli probabel ha lieu la votaziun dal pievel ils 10 da zercladur/gün 2018, per ch'i stettia a disposiziun temp avunda per manar tras la votaziun conform a l'urden. Il proceder sa drizza tenor la constituziun actuala analog als reglaments dal dretg chantunal davart l'execuziun dals dretgs politics. Quai vul dir ch'i vegnia votà en las plaivs per scrutin. Pli tard il mars 2018 vegn il Cussegl da baselgia a fixar il termin da la votaziun ed a relaschar directivas correspondentas. Cun quai survegnan las suprastanzas da las plaivs in' instrucziun pratica per l'organisaziun e l'execuziun correcta da la votaziun en la plaiv, en pli indicaziuns per agids pussibels da la vart da la baselgia chantunala e da las vischnancas.

Infurmaziuns davart il cuntegn da la nova constituziun survegnan ils commembers e votantas da la Baselia evangelica-refurmada dal chantun Grischun betg be cun ils documents da la votaziun, mabain er gia en in supplement dal numer da "reformiert." ch'appara la fin d'avrigl 2018.

6. Revisiun parziala dal concordat

La conferenza dal concordat ha decis ils 30 da november 2017 ina revisiun parziala dal text dal concordat, ed ha en pli deliberà in urden transitoric. En sia sessiun dal zercladur/gün 2018 vegn il text dal concordat suttamess al Cussegl grond evangelic a la votaziun.

La revisiun parziala dal text dal concordat e l'urden transitoric correspundent stattan en relaziun directa cun la refurma da la scolaziun da reverendas. Suenter ch'igl è vegnì sviluppà in nov model da cumpetenza structurà, hai dà sco consequenza in nov curriculum da scolaziun che vegn descrit cun quatter process differents che correleschan (scolaziun, qualificaziun, accompagnament, selecziun).

Il pli gronds midaments datti tar il semester ecclesiologic-pratic, tar ils examens e tar l'examinaziun da la qualificaziun. Nov po il semester ecclesiologic-pratic vegnir frequentà en maniera modulara; uschia è'l pli favuraivel per famiglias. En il rom d'in curriculum cumplessiv è'l focusà pli ferm sin il champ "furmaziun". La nov' examinaziun da qualificaziun che remplazza quella actuala, è bler pli effizienta e dat tuttina gia baud en il studi indicaziuns per ina qualificaziun. Il novs examens vegnan sco cumprovas da cumpetenza ad esser structurads en maniera differenta. Nov èn elements en l'accompagnament dals students durant il studi. Qua serra la dieta da perspectives ina fora. Per prevegnir ad ina sistida dal studi pon student er adura vegnir in contact cun reverendas ed incumbensads per la scolaziun.

Ulteriuras infurmaziuns pon ins avair da decana Cornelia Camichel Bromeis, che fa part a la conferenza dal concordat.

7. EMC: Tschertgadas èn famiglias ospitantas per il barat ecumenic

Refurmads da la Transilvania/Rumenia fan visita a la Svizra dals 30 d'avust - 3 da settember 2019. Quest project d'inscunter vegn organisà da Lisa Krebs (BE), Bettina Lichter (ZH), Barbara Hirsbrunner (GR) e Matthias Herren (HEKS).

La refurmaziun svizra ha gè effects dalunsch suror ils cunfins da noss pajais. In da quels è la baselgia refurmada en la Transilvania cun ca. 43'000 commembers. En il rom dal giubileum da la refurma duai l'onn 2019 ina grupp da var 200 refurmads da la Transilvania vegnir envidada en Svizra. Per l'onn 2020 è planisada ina cuntravisa. En il center da quella visita duain star inscunters persunals, nua ch'ils giasts da la Transilvania vegnan a savair insatge davart la Svizra e la baselgia refurmada locala. Perquai tschertgain nus famiglias ospitantas per l'alloschament e l'accompagnament. I fiss ideal sch'i dettia pliras famiglias ospitantas en ina raspada. Voss interess annunziai Vus p.pl. a la manadra dal post Jacqueline Baumer (adressa en l'aggiunta). Las infurmaziuns necessarias seguan a temp util.

III. Rapports colloquials

8. *Furmar* la raspada

Questa tractanda serva al barat d'ideas davart projects da *Furmar* la raspada planisads u gia realisads en las corporaziuns dal colloqui, per far enconuschent quels sur las corporaziuns ora.

9. Provisiuns

Corporaziuns che han prolungà in engaschament provisoric u che han stgaffi in tal, preschantan al colloqui in rapport en scrit davart questa provisiun. Il rapport vegn scrit dal provisor resp. da la provitura en il stil d'in rapport annual e va ensemen cun il protocol colloquial al Cussegl da baselgia (guarda constituziun da la baselgia 100 art. 21, cifra 6).

10. Renovaziun da permissiuns per predicatur(a)s laic(a)s

En il „Reglament davart la permissiun al servetsch pastoral en il Grischun” (910) vegn reglà en art. 13 il surpigliar da tscherts servetschs uffizials tras laics resp. laicas. Sco cumplettaziun da l'art. 13 ha il Cussegl da baselgia decretà l'urden 910A.

Il Cussegl da baselgia dat la permissiun a predicatur laics, resp. predicaturas laicas, sch'ina plaiv propona in/-a da ses commembers e sch'il colloqui decida tras scrutini da surdar la proposta al Cussegl da baselgia. Avant la votaziun han ils candidats resp. las candidatas da sa preschentar al colloqui cun in curs da la vita. La nominaziun tras il Cussegl da baselgia vala per quatter onns.

Il Cussegl da baselgia sto consultar il colloqui avant che renovar la permissiun. Perquai dovra il Cussegl da baselgia en il protocol la posiziun dals colloquis pertutgants, per pudair renovar las suandantas permissiuns per predicatur laics. La renovaziun succeda en la tschentada da fanadur dal Cussegl da baselgia.

Coll. I: Edi Wäfler, Domat/Ems

Coll. III: Hanspeter Walther, Fürstenaubruck
Coll. V: Kathrin Bechtiger-Kürsteiner, Maienfeld
Coll. V: Hanspeter Joos, Malans
Coll. V: Christine Pozzoli, Zizers

11. Rapports dals/da las predicatur(a)s laic(a)s

Tenor art. 13 al. 6 dal "Reglament davart la permissiun al servetsch pastoral en il Grischun" (910) dattan ils predicaturs laics resp. las predicaturas laicas in rapport da lavur per 2016/2017 al colloqui correspondent.

Il Cussegl da baselgia spetga ils rapports ensemn cun il protocol dal colloqui per invista. Sche predicaturs laics resp. predicaturas laicas dattan enavos lur permiss, basta l'indicaziun en il protocol.

12. Visitaziuns d'archivs

Tar mintga midada en la pravenda èsi da far ina visitaziun d'archivs extraordinaria da la part da la pravenda da l'archiv. Quella vegn fatga d'in commember da la cumissiun d'archivs da la baselgia chantunala.

Il Cussegl da baselgia supplitgescha las suprastanzas dals colloquis dad esser attentas che l'actuar dal Cussegl da baselgia, rev. Peter Wydler, vegnia infurmà, avant che in u ina reverenda u provisur(a) fa midada (adressa en l'aggiunta). La plaiv paja la visitaziun tenor reglament 821.

13. Lavur en la diaspora

Tenor art. 8 dal „Reglament davart la commembranza ecclesiastica da concretaivels evangelics en vischnancas politicas senza plaiv evangelica (reglament per las diasporas)” han ils/las reverendas da plaivs cun incumbensas en diasporas da rapportar al colloqui da primavaira sur da lur lavur en la diaspora. Ina copia da mintga rapport va al Cussegl da baselgia per mauns da la suprastanza da l'Uniun protestanta grischuna per agids ecclesiastics.

14. Organisaziun da l'instrucziun da religiun 2018/2019

Ils colloquis surveglian e coordineschan l'instrucziun da religiun en las plaivs.

Per ch'ils colloquis possian ademplir lur incumbensa, èsi d'infurmar els a temp davart eventualas difficultads ch'i dat en las plaivs cun observar las ordinaziuns legalas.

Il Cussegl da baselgia supplitgescha perquai ils colloquis da dumandar ses commembers en occasiun da la sesida da primavaira, sch'i dat en las plaivs difficultads areguard l'instrucziun da religiun dal proxim onn scolastic. Plaivs cun talas difficultads èsi d'infurmar davart l'agid che la baselgia chantunala porscha cun il post spezialisà per l'instrucziun da religiun (adresa en l'aggiunta). D'otra vart vegn la manadra dal post infurmada da la situaziun tras il protocol. Ella po prender si contact cun ils responsabels da las plaivs, per ch'ils problems possian vegnir schliads sin il cumenzament dal nov onn da scola.

Il Cussegl da baselgia tira endament ch'en tut las scolas èsi d'observar ils reglaments legals per dar l'instrucziun da religiun.

Sche plaivs tschertgan anc catechet(a)s per il nov onn da scola, renda il Cussegl da baselgia attent a la bursa da plazzas d'instrucziun da religiun sin la homepage da la baselgia chantunala (adresa en l'aggiunta).

15. Moziuns, intimaziuns e propostas

Il colloqui po tenor art. 21 cif. 3 da la constituziun da la Baselia evangelica reformada dal Grischun surdar moziuns, intimaziuns e propostas al Cussegl da baselgia. Singuls colloquials na pon inoltrar naginas moziuns, intimaziuns e propostas. Quai po be capitar tras il colloqui.

I sto esser evident, sch'i sa tracta d'ina *moziun*, d'ina *intimaziun* u d'ina *proposta*:

- Sch'ina *moziun* vegn acceptada ha quai per consequenza la midada d'ina lescha.
- Ina *proposta* è in'idea concreta ed elavurada. Ella formulescha finamiras e mesiras pussiblas.
- Ina *intimaziun* è in'idea, tge che pudess vegnir fatg en in tschert sector.

Tar tut las moziuns, intimaziuns u propostas d'in colloqui sto vegnir nudà il resultat precis da las votaziuns.

Sch'il Cussegl da baselgia accepta *moziuns*, vegnan quellas suttamessas als colloquis ed a la sinoda per la consultaziun. Suenter vegnan questas tractadas definitivamain dal Cus-

segl grond evangelic. Moziuns acceptadas han per consequenza ina midada da la lescha. Sch'il Cussegl da baselgia refusa moziuns, motivescha el quai en il rapport uffizial.

Sch'il Cussegl da baselgia accepta *intimaziuns* e *propostas*, ha el la pussibilità da vegnir sez activ en il senn da quellas. Sch'il Cussegl da baselgia refusa *intimaziuns* e *propostas*, motivescha el quai en il rapport uffizial.

IV. Diversas infurmaziuns

16. Responsabels d' Ecumena/Missiun/ Collavuraziun (EMC) en las plaivs

I gida nus, sche mutaziuns u novas persunas responsablas per in ressort vegnan communitgadas cuntinuadamain. Sch'in commember da la suprastanza na po betg vegnir remplazzà immediatamain, supplitgain nus da communitgar a nus, tgi da la suprastanza ch'è ad interim responsabel per EMC.

17. Resumaziun dals resultats dals colloquis d'atun

Per infurmar tut ils colloquials vegn preschentà qua ina resumaziun da las discussiuns e da las decisiuns concernent las tractandas, sco er da las moziuns, propostas ed intimaziuns al Cussegl da baselgia.

Las sequentas intimaziuns èn vegnidas suttamessas al Cussegl da baselgia:

Il colloqui VI intimescha il Cussegl da baselgia da relaschar ina recumandaziun areguard reconuschientschas davart las plaivs. Impiegads ch'èn blers onns en servetsch da la baselgia e collavuratur voluntaris duain davent da giubileums da 10 onns vegnir onurads e regalads mintga 5 onns entras la plaiv. La recumandaziun dal Cussegl da baselgia cuntegna directivas graduadas areguard l'autezza finanziaria dals regals. Il gener dal regal stat en cumpetenza da la plaiv.

Il Cussegl da baselgia ha acceptà e discutà l'intimaziun: L'undrientscha da lunga collavuraziun d'impiegads stat en la responsablidad dal patrun da lavur. Il Cussegl da baselgia na vul betg far prescripziuns a las corporaziuns sco patronas da lavur. Igl è dentant cler: Er corporaziun ch'èn dependentas da l'egualisaziun han il dretg da far undrientschas. Uschè ditg che quai capita en in rom responsabel ed adequat, n'èsi betg da far quint cun intervenziuns davart da la baselgia chantunala.

Il colloqui IX intimescha ch'ils cuntegns dals posts duain vegnir visibels, perquai che l'expressiun dals posts Furmar la raspada 1-4 è memia tecnocrata e disturbanta. Il Cussegl da baselgia vegn supplitgà da reponderar l'expressiun.

La designaziun dals posts è provisorica. Il post *Furmar la raspada* è occupà cun quatter persunas. En connex cun l'elavuraziun d'in flyer da las purschidas vegn la designaziun reponderada.

La sequenta moziun è vegnida inoltrada al Cussegl da baselgia:

Il colloqui II pretenda ch'i vegnia fundada ina cumissiun che elavurescha ina soluziun cumplexsiva areguard la dumonda, tgi che dastga far diever dals servetschs da la baselgia chantunala e tge ch'i sajan las cundiziuns. Latiers duain vegnir resguardads las constellaziuns multifaras areguard commembranza, relaziun emoziunala, ed ils custs ch'i dat (incl. salaris dals reverendas).

Il Cussegl da baselgia accepta ed elavurescha la tematica. Ina decisiun è anc averta.

18. Occurrenzas colloquialas

Colloqui I Sur igl Uaul

- 10.11.2016: conferenza pastorala a Panaduz (fanestra da baselgia Ruinaulta, casualias en il colloqui, plan da remplazzaments 2017)
- 20.11.2016: dieta d'atun da l'Uniun evangelica Gruob cun il tema "migraziun ed integraziun, ina realitad da la societad"
- 25.05.2017: festa ecclesiastica, gita nà da tut las varts tras la Ruinaulta a Castrisch
- 01.06.2017: conferenza pastorala (fanestra da baselgia Ruinaulta, avegnir da l'Uniun evangelica Gruob)
- 28.08.2017: spassegiada pastorala da Sedrun a Mustér
- 07.09.2017: conferenza pastorala a Flem (Sontga Tschaina pratic, Knigge dal contact electronic pastoral, scleriments areguard l'Uniun evangelica Gruob)

Colloqui II Schons-Avers-Val Rain-Mesauc

- referats sur da Luther, Zwingli, Calvin
- atun 2017: viadi a Genevra
- 04./05.11.2017: dumengia da la refurma a Ziràn

Colloqui III Sut igl Uaul

- Festa da Tschuncaisma colloquiala a Scharans
- conferenza pastorala ecumenica
- inscunter infurmativ areguard 1+1 e *Furmar* la raspada cun rev. Markus Ramm

Colloqui IV Cuir

- naginas comunicaziuns

Colloqui V Signuradi-Tschintg vitgs

- 06./13.09.2017: referats a Landquart cun rev. Daniel Bolliger e prof. Eva-Maria Faber
- 30.09.2017: occurrenza a Fläsch (Viver cuminanza!)

Colloqui VI Scanvetg-Churwalden

- naginas comunicaziuns

Colloqui VII Engiadin'Ota-Bregaglia-Poschiavo-Surès

- 05.08.2017: gita nà da la Bregaglia, la Val Poschiavo e l'Engiadin'Ota a Bivio

Colloqui VIII Engiadina Bassa-Val Müstair

- primavaira 2017: teater 500 onns refurma «L'espulsione» a Lavin
- settember 2017: sairadas da la refurma en l'Engiadina Bassa ed a Ftan
- settember 2017: film da Luther a Susch
- october 2017: viadi sin las passidas da Luther

- dumengia da la refurma a Ramosch
- quatter conferenzas pastorals
- fin da settember 2017: retraite dals sinodals

Colloqui IX Partenz

- renviament a la votaziun dal pievel sur da la consti-
tuziun da la baselgia la primavaira 2018

Colloqui X Tavau-Alvra

- program colloquial per l'onn da giubileum «500 Jahre Reformation: Feiern von Laret bis Bergün»
- 29.10.2017: festival da la refurma a Tavau Plaz per la finiziun da l'onn da giubileum cun cult divin festiv, gen-
tar e musical d'uffants «Vorhang uuf für Zwingli»

19. Giubileums

Las suprastanzas dals colloquis ed ils consistoris pon comunitgar en il protocol colloquial giubileums da servetsch d'impiegad(a)s ecclesiastic(a)s e da collavuratur(a)s voluntar(a)s. Sco giubileums da servetsch van 20, 25 u 30 onns da servetsch.

Questas communicaziuns pon vegnir agiuntadas al protocol u er vegnir communitgadas separadamain ed en scrit a la viceactuara dal Cussegl da baselgia: Ursina Hardegger (adressa en l'aggiunta). Giubilar e giubilaras survegnan sper la renconuschienscha da la plaiv u dal colloqui in document dal Cussegl da baselgia. Tgi che ha lavurà dapli che 20 onns per ina plaiv e sa retira ussa, po er vegnir communitgà. Er el/la survegn in document. Igl è indispensabel, che las communicaziuns cuntegnan ils nums entirs e l'adressa precisa. Plinavant ston vegnir notads la funcziun ed ils onns precis dal servetsch.

20. Chalender da las collectas 2018

Il Cussegl grond evangelic ha en sia sessiun dals 8 da november 2017 fixà las collectas per l'onn 2018. Il chalender da las collectas sco er infurmaziuns detagliadas tar las collectas pon ins clamar da la homepage da la baselgia chantunala (adressa en l'aggiunta).

21. Proceder tar pravendas vacantas

Sin la homepage da la baselgia chantunala chattan ins in fegl d'infurmaziun davart il proceder recumandà tar la tscherna d'in(a) nov(a) reverenda (adressa en l'aggiunta).

22. Sinoda 2018 a Cazas

La sinoda 2018 a Cazas cumenza gievgia, ils 21 da zercladur e va enfin glindesdi, ils 25 da zercladur.

23. Sessiuns dal Cussegl grond evangelic 2018

- Mesemna, 06.06.2018 (suentermesdi), sala Cussegl grond
- Mesemna, 14.11.2018 (di entir), sala Cussegl grond

24. Sesidas dal Cussegl da baselgia 2018

Il Cussegl da baselgia fa mintga mais ina sesida. Dumondas al Cussegl da baselgia duain ins communitgar silmain trais emnas avant la sesida respectiva a l'administraziun.

Termins da las sesidas 2018: 18 da schaner, 22 da favrer, 15 da mars, 12 d'avrigl, 8 da matg, 14 da zercladur, 5 da fanadur, 23 d'avust, 20 da settember, 25 d'october, 22 da november, 13 da december.

25. Termins dals colloquis da primavaira 2018

Colloqui I	Sur igl Uaul	21 da mars
Colloqui II	Schons-Avers-Val Rain-Mesauc	14 da mars
Colloqui III	Sut igl Uaul	7 da mars
Colloqui IV	Cuira	5 da mars
Colloqui V	Signuradi-Tschintg vitgs	14 da mars
Colloqui VI	Scanvetg-Churwalden	12 da mars
Colloqui VII	Engiadin'Ota-Bregaglia-Poschiavo-Sursès	21 da mars
Colloqui VIII	Engiadina Bassa-Val Müstair	21 da mars
Colloqui IX	Partenz	11 d'avrigl
Colloqui X	Tavau-Alvra	14 da mars

26. Termins dals colloquis d'atun 2018

Nus supplitgain ils actuars e las actuaras da notar en il protocol ils termins dals colloquis d'atun 2018.

27. Spediziun dals protocols colloquials

La tschentada dal Cussegl da baselgia, nua ch'ils protocols dals colloquis vegnan evaluads, ha lieu en matg. Las actas respectivas vegnan tramessas la fin d'avrigl.


Nus essan cuntents sche Vus tramettais pli svelt pussibel ils protocols en furma electronica (sche pussibel sco datoteca word) a la viceactuara dal Cussegl da baselgia, **Ursina Hardegger** (adressa en l'aggiunta), per ch'ella possa cumenzar l'evaluaziun.

Ils protocols sin palpieri incl. aggiuntas èsi da suttascriber e da trametter la viceactuara dal Cussegl da baselgia.

Preavis: Ils protocols dals colloquis d'atun 2018 èsi d'inoltrar enfin ils 30 da settember.

Cuira, en december 2017

Cussegl da baselgia chantunal



Andreas Thöny
president



Peter Wydler
actuar

Agiunta (adressas)

Actuar dal Cussegl da baselgia

Pfr. Peter Wydler

Loëstrasse 60

7000 Chur

081 257 11 00

kirchenratsaktuar@gr-ref.ch

Viceactuara dal Cussegl da baselgia

Pfrn. Ursina Hardegger

Loëstrasse 60

7000 Chur

081 257 11 00

ursina.hardegger@gr-ref.ch

Post d'instrucziun da religiun

Pfrn. Ursula Schubert

Loëstrasse 60

7000 Chur

081 252 62 39

ursula.schubert@gr-ref.ch

Post Furmar la raspada

Ressort furmaziun da creschids

Jacqueline Baumer

Loëstrasse 60

7000 Chur

081 257 11 07

jacqueline.baumer@gr-ref.ch

Homepage da la baselgia chantunala

www.gr-ref.ch

Infurmaziuns collectas

www.gr-ref.ch/kollekten

Pravendas vacantas

www.gr-ref.ch/pfarrvakanz

Bursa da piazza instrucziun da religiun

www.gr-ref.ch/stellenbörse